

Inatsisartut suleriaasianni § 37 naapertorlugu matumuuna Naalakkersuisunut imaattunik apeqqu-teqaatinik saqqummiussivunga:

**Apeqqut:**

- 1. Suliffissarsiorlut killilersimaarnissaat pillugu Inatsisartut inatsisaat nr. 27, 30 okt. 1992-imeersoq § 2 malillugu atorfiit sorliit suliffissanut maaniittunut siulliusussaati-taanerata qulakkeerpeqarnissaa allassimasut” allannngortinniarneqarpat/naleqqussar-neqarniarpa?**
- 2. Siunissami suliffiulerumaartussanut ass. aatsitassarsiortoqalernissaanut, atorfiit pisa-riaqalerumaartussanut ullumikkut atorfiit piginnngisatsinnut, ilinniartitsinerit tulluar-saasoqarpa?**
  - a. Taamaatoqarpat, qanoq tamanna qulakkeerpeqartarpa?**
  - b. Taamaattoqannngippat, sooq taamaaliortoqannngila?**
- 3. Kommuunit pisortallu pigisaani atorfiit allaffissornermi suliaqarfiusut ikilisaavigine-qartuarput. Allaffimmiunngorniat ilinniartit sungiusaatigalugu sungiusarfissaat ajornakusoorput. Allaffissornermi suliaqartut amerlavallaalersimaneritik tamanna pasinarsititsimmat apeqquutigissavara: allaffimmiunngorniat killilersorneqartarnersut allanullu suliffinnut “siunissaqartunut” tulluarsaasoqartarnersoq?**
  - a. Taamaattoqarsimassappat, qanoq iliuuseqartoqarpa?**
  - b. Taamaattoqannngippat, sooq iliuuseqartoqarniangila?**
- 4. Avataanniit tikisitsilluni suliaqartartut pisariaqartitat, atorfiit malillugit qanoq aggua-taarnikuuppat (atorfiit suut pineqarpat)?**
  - a. Takussutissaateqartoqarpat, qanoq agguataarnerit isikkoqarpat?**
  - b. Takussutissaateqartoqannngippat, suliaqarnissamik pilersaaruteqartoqarpa?**

(Inatsisartuni ilaasortaq Suka K.Frederiksen, Siumut)

**Tunngavilersuut:**

Suliffissarsiortut killilersimaarnissaat pillugu Inatsisartut inatsisaat nr. 27, 30 okt. 1992-imeersoq § 2. Inatsit atuuppoq nunami umiarsuartigullu assartuinermi ilaasartaatinilu, ilaatigut qulakkeerniarneqarluni atorfinni suliamik ilinniagaqarsimanngitsunik inuttalerneqarsinnaasuni, siammasissumik tunngaviusumik ilinniartitaanermi ilinniagaqartut sallerfaatillugit atorfiit matussuserneqarsinnaaqqullugit atorfinitsitsisarnerni maleruagassat.

Imm. 2. Aammattaaq inatsit atorfinnut akissarsiorfiusunut imm. 1-imi taaneqartuni avataaniit aggersunit inuttaqartinneqartunut atuuppoq, suliffeqarfiup sulisua Kalaallit Nunaata avataani suliffeqarfimmi atorfeqarnersoq apeqquaatinnagu.

Nunatsinni qaffasissumik ilinniartutik naammassisartut amerliartortillugit qulakkeerniarneqartariaqarpoq sapinngisamik avataaniit tikisitsiortorneq killilersimaarniarlugu paasisutissat atorlugit allorassaarnissaq.

Kissaatigaara apeqqutima ullut qulit qaangiutsinnagit akineqarnissaat.